

如故。再投二剂，加重其量，病又依然，心更惊奇。因思此证若非蓄血，服下药三剂，亦宜变成坏病。若果属是证，何以不见少瘥，此必药轻病重之故也。时门人章次公在侧曰：与抵当丸何如？余曰：考其证，非轻剂可瘳，乃决以抵当汤下之。服后，黑粪挟宿血齐下。更进一剂，病者即能伏榻静卧，腹胀平，痛亦安。知药已中病，仍以前方减轻其量，计：

虻虫二钱 水蛭钱半 桃仁五钱
川军五钱

后复减至虻虫、水蛭各四分，桃仁、川军各钱半。由章次公调理而愈。后更询诸病者，盖尝因劳力负重，致血凝而结成蓄血证也。

【按】《伤寒论》中蓄血证轻者用桃核承气汤，重者用抵当汤。

119. 下血

张少

初曾泄泻经月，泻止便后带血，此为脾气虚寒，脾不统血也，仲景名曰远血，治宜黄土汤。

生白术三钱 干生地二钱 熟附片一钱
阿胶珠二钱 生甘草三钱 伏龙肝一两

王慎轩记：是方一服即效，后与调理脾胃而愈。

【按】本方为黄土汤去黄芩。本案病人泻止便后带血，症较下案为轻。附子量少，且不用黄芩。

辛未八月，曾治强姓饭作同事下利证，所下血如水，昼夜不食，几死矣。方用：

灶中黄土四两 炮附子五钱 干姜四钱
五剂后，利止能食，盖即黄土汤之意也。

【按】《金匱》曰：“下血，先便后血，此远血也，黄土汤主之。”

曹颖甫曰：脾寒不能统血，则下陷而便血。尤在泾谓脾去肛门